

Имделий



0+

1933 ий 1 февраль годсек лектеш.

ТАУ ТЫЛАНЕТ, ВЕТЕРАН!



Фотом школ архив гыч налме.

Российште илыше калык Сенгымаш кечым шнуй пайремлан шотла. Тиде кечын Кугу Ачамланде сареш вуйым курымешлан пыштыше, подвигым ыштыше салтак, тылыште тыршыше ен-влакым шарналтена. Ты пагытын неле-йöсыжö гоч эртыше-влак ий гыч ийыш шагале мыт. Тачысе кечылан Марий Элыште нылле вич ветеран веле кодын. Нунын кокла гыч иктыже — В.М.Портов (снимкыште — тунемше-влак дене пырля).

Владимир Михайлович Звенигово район Эсмекпляк селаште ила. 9 Май пайрем вашеш верысе школын тунемшыже-влак туныктышышт Л.В.Максимова дене пырля тудын дек унала миеныт. Ветеранлан пеледыш аршапым, сүретым тауштен кучыктеныт. В.М.Портов нунлан шке илыш корныж нерген каласкален:

— 1941 ийыште школым тунем пытаренам. Сар туйналмеке, Вовашор фермыште бригадир-кладовциклан па-

шам ышташ тунемныт. 1944 ийыште шыжым салтак радамыш налыныт. Мый Маньчжурий кундемыште япон империалист-влак вастареш кредальнаам. Вара Хабаровск олаште службым эртенам. 1951 ийыште демобилизоватленыт.

Пагалыме ветеран-влак, Сенгымаш кече дене шокишын саламлена. Пенгыде тазалыкым, кужу тунемым тыланена. Ме, самырык тукым, тендан ончылно вуйнам савена!

Х.АЛЕКСАНДРОВА.

Мариупольыш пӧлек



Фотом школ архив гыч налме.

Ме, кумшо классыште тунемше-влак (снимкыште), «Дети-детям» акцияшке ушненна. Мариуполь оласе 27-ше номеран школын кумшо классыштыже тунемше-шамычлан да Кукнур села гыч Украиныште спецоперацийыште улшо салтак-влаклан посылкым колтенна. Тушко тунеммаште кучылтшаш арверым, кочкышым, вургемым, шовыным, пуй мушмо пастым, эмым да молым пыштенна. Мый эше серышым возенам. Икшыве-шамыч йывыртат манын шонена.

Костя ШЕХУРДИН.

Шернур, Кукнур.

Историйым шергалына

1945 ий 6 майгыште совет войска Пражский операцийым тунгалын. Тыгодым Прагым фашист тунжака деч утарен да «Центр» армийын группыжым пленыш налын.

Россий Федерацийын Просвещений министрствыже тений пытаргыш йынгырым 22-23 майгыште, школ дене чеверласыме касым 23-24 июньшто эртараш темла. Чыла пайрем очный режимыште эртаралтшаш.

Увер

16-35 ияш удыр-рвезе-влак, «Педагоги России: Судьбы и идеи» всероссийский конкурс ушныза. Келшыше тагасым ойырен, пашам otdel_vrmp@apkpro.ru адрес дене электрон почтыш **15 июнь марте** колтыза.

Марий Элысе увер

Удыр-рвезе-шамыч, республикысе агитбригаде-влак конкурсышто усталык-дам тергыза. «Я бы в экологи пошел! Пусть меня научат!» теме дене видеороликым войзыза да marecolcenter@mail.ru адрес дене электрон почтыш **10 май марте** колтыза.

Т.Евсеев лумеш Калыклек тоштерын «Герои марийского эпоса. Современное прочтение» проектшын презентацийже эртаралтын. Аудиогидан откриткым, значок-влакым ямдыленят. QR-код дене пайдаланен, кажне герой нерген уверым пален налаш лиш. Квестым, психологий тестым эрташ йон уло. Кертнытувырым пидаш мастер-класс темлалтеш.

Козьмодемьянск олаште «Бендериада» сатир да мыскара фестиваль **22 июльшто** лишеш. Пайремышке кумылан кажне еным пагален ужыт. Марий Элыште «Бендериада» **1995 ий гыч** эртаралтеш.

Талешке дене кугешнена



Фотом школ архив гыч налме.

Школыштына Марий талешке кечым палемдышна (снимкыште). Туныктышына Любовь Викторовна Соловьева да Шокшем Памаш книгагудым вуйлатыше Людмила Семеновна Журавлева талешке-влак нерген шинчымашнам пойдарышт. Ме Акпатыр, Акпарс, Онар, Чумбылат, Чоткар да моло нерген видеоматериалым ончышна, шкежат нунын нерген каласкалышна. Пайрем онайын да пайдалын эртыш. Йоча-влак, ме талешкына-шамычым эре шарнышаш улына.

Карина ЕПЛЕЕВА.

Шернур, Шудымарий.

Ила гын, йоча серызе, «Ямде лий» газетын 1991-1997 ийлесе тўн редакторжо В.В.Крылов 4 майыште 70 ийым тема ыле. Морко район Арын школышто Василий Васильевичым шарныме лўмеш поэзий, муро да сўрет конкурс эртаралтын. Тушко республикысе тўрлў школ гыч уста ўдыр-рвезе-влак ушненит. Пайремышке Шулдыр Васлийын родо-тукымжо, пелашыже, пырля пашам

2-шо номеран Морко школын тунемшыже Регина Григорьева В.Крыловлан «Серызын книгаже» почеламутым возен.

Мый кидышкем налам книгатым, Саламлыме шомакым кычалам. Қушеч муаш тул гае мутым, Қушеч гын таче тўналам?

А тый, поэт, мыняре
сылне мутым
Эн чапле книгашкетше серенат?!
Да поро егын шўмыш корным
Мурет гоч тый такыртенат.

Лач ўмыр веле кўчык лийын,
Пеш ятыр муро кодын мурыде.
Да садвечет йоршеш пустангын,
Шўшпыкат мура юарлыде.

Кава ден мланде
ушнымашке куржыч,
Тораште ынде тый чонештылат.
Йўд тымыкым тушто вашлийыч,
Шке шўдыретым шыпак кычалат.

ыштыше йолташыже-влак толыныт.

Конкурсым Арын школын директоржо Е.И.Семенов почын да В.В.Крыловым порын шарналтен:

– *Василий Крылов шко-*

чим (снимкыште) пайрем мучаште саламленит. «Сылнымут» тагасыште Морко район Эгерсола школ гыч Мария Николаева да 6-шо номеран Морко школ гыч Александр Цветников

шке ийготан ўдыр-рвезе-влак коклаште сенгышыш лектыныт. «Муро» номинацийыште Волжский район Кугу Корамас школ гыч Мария Бирюкова, Морко район Арын школын 2-шо да 8-ше класслаштыже

Шулдыр Васлийым порын шарналтен



лышко чўчкыдын толын. Клубышко кугу программе дене вашкен, йолташыже-влак дене концертым ончыктеныт. Пеш весела лийын, мыскарам ышташ йўратен. Василий Васильевич мемнан школышто тунемын. Тудын дене мотчок кугешнена.

Шулдыр Васлийын «Йўсў мо саламлалташ?», «Марий семўзгар», «Театр», «У костюмын пўрымашыже» почеламутшо-влак, «Роза-Розмари» мурыжо икмыняр гана йонгеныт. Нуно поснак йўратыме улыт.

Ойыртемалтше-шамы-

тунемше-влак ойыртемалтыныт. Морко район Унчо школ гыч Антон Иванов прозым лудмыж дене посна палемдалтын. «Самырык сўретче» номинацийыште Морко район Кульбаш школ гыч Альмир Файдрахманов, Кожлаер школ гыч Анастасия Кудряшова, Унчо школ гыч Марина Оразаева, Купсола школ гыч Вероника Бекешева, Волжский район Кугу Корамас школ гыч Антон Сидоров сенгышыш лектыныт. Шулдыр Васлийым мыняр шарнена, калыкыште тунар илаш тўналеш.

Х.АЛЕКСАНДРОВА.
Авторын фотожо.

Сенгымаш

«Без срока давности» сочинений да шымлыме паша всероссийский конкурсын республикысе йыжынжым иктешленит. Тагасымашке 1300 утла тунемше ушнен. Сочинений конкурсышто сенгышыш лектыныт: **Евгения Ласточкина** (Йошкар-Ола, 15-ше номеран шк.), **Илья Беседин** (Волжск, 6-шо номеран шк.), **Ренат Абросимов** (3-шо номеран Медведево шк.). Шымлыме пашашт дене **Виктория Батухтина** (2-шо номеран Кужэнер шк.), **Матвей Васильев, Амир Ефимов, Илья Зайберт, Анастасия Кошнаева, Юлия Петухова** (Звенигово, 2-шо номеран Красногорский шк.) ойыртемалтыныт.



Пайрем лўмеш

Школыштына Сенгымаш кечылан пўлеклалтше хор-фестиваль эртаралтын. Ме «Эх, путь-дорожка фронтовая» мурым шергылтаренна да кумшо верыш лектынна. Класс вуйлатыше О.И.Шамсутдиновалан ямдылымыжлан тауштенна.

Артём ИВАНОВ.
Йошкар-Ола,
24-ше номеран школ.



Ок кўл война

Кумда пасу гоч ошкылам,
Яндар кавашке ончалам:
Пеш кўшнө

шўшпык чонешта
Да сылне мурым муралта.

Тек мланде мучко чонешта
Да сеңымашым лишемда.
Тек шучко сар вашке пыта,
Ок кўл, ок кўл осал война!

Аваже эргыжым вуча
Да кажне кечыжым шотла.
Салтакше мөнгыжө вашка
Да сай уверым пөлекла:

– Авай, авай, пөртылынам,
Таза мый мөнгө толынам.
Пеш шучко сар,
ура-а, пытен!
Ты кечым кажне ең вучен.

Аня АНДРЕЕВА.
Кужэңер, Тошто Йүледүр.

Вуем савем

Ковамын ялыштыже обелиск уло. Тушто «Нуно элым араленыт» манын рушла возымо. Обелискыште кугезе кочамынат лүмжө уло – Лазарь Александрович Александров. Тудо Кугу Ачамланде сар годым тыныслыкым лишемдаш полшен. Ял калык Сеңымаш кечын обелиск ончылно погына. Сарыште кредалше да тушан вуйым пыштыше герой-влакым шарналта. Мыят тушко ушнем. Гирляндым пыштена, почеламутым л у д ы н а . Кугезына-влакым шарналтен, вуйнам савена.

Алина СУББОТИНА.
2-шо номеран Морко школ.



9 МАЙ – СЕҢЫМАШ КЕЧЕ

Айдеме тукымжо дене виян

Кугу Ачамланде сарыште кредалше герой-влакын подвигышт самырык тукымын чоныштышт курымешлан илаш тўгалеш. Ёдыр-рвезе-шамыч шымлыме пашам возат, тукымвожыштым шымлат. Морко район Купсола школын тунемшыже **Надя Андреева** (снимкыште) «Самырык краевед» ушемыш икмыняр ий коштеш. Шочмо кундемым шымлаш кумылан, Кугу Ачамланде сарын ветеранже-влак нерген кумданрак пален налаш тырша. Тудлан ушемын вуйлатышыже, историйым тунуктышо **Л.А.Никитина** полша.

– «Молодость сороковых годов...» – тыге лўмденам шукерте огыл возымо пашамым. Тушто Купсола ялын шочшыжо, Кугу Ачамланде сарын ветеранже, тунуктышо **Александр Тимофеевич Белков** нерген шымленам, – ойла **Надя**. – **Александр Тимофеевич** – тукым чўчўэм. Тудын деке ковам дене пырля икмыняр гана миенам. Йоча пагытше, сар жапше, тунуктымо пашаж нерген каласкалымжым ятыр колынам. Илыш гыч кайымекеже, пелашыже **Нина Яковлевна** шарнымашыжым возенам. «Морко мланде», «Марийская правда» газетлам шергалынам.

Надя шымлыме пашаж дене «Мой род – мой народ» регионны сошанче-практике конференцийышке ушнен. **Кокымшо** верым сенен налын.

Александр Тимофеевич чыным йоратыше айдеме лийын. Школышто тунуктышылан 43 ий паша мыштен. «За отвагу», «За взятие Берлина» медаль-влак, II степенян «Отечественная война» орден дене палемдалтын.

Е.ИВАНОВА.
Фотом еш архив гыч налме.



Фотом школ архив гыч налме.

Пайрем вашлиймаш

Ме, кумшо классыште тунемше-влак, 9 Май вашеш пайрем концертым Руэм книгагудышто эртаренна (снимкыште). Мемнан мастарлыкнам аклаш кова-влак погыненыт. Нунын шинчаончалтышышт куан тул дене волгалтше лийын. Кова-влаклан шке ыштыме пеледыш аршашлам кучыктенна. Нуно мыланна таум ойленыт. Шке коча-ковашт нерген шарналтеныт.

Медведево, Руэм.

Карина УДАЛОВА.

Элнан куатше

Кумда, виан,
моткоч поян элнаже,
Да калыкшат тыршен
пашам ышта.
Элнан куатше,
тудын кугу чапше
Изи шүмемым
шокшын ырыктат.

Пошкудо рвезе тыныс
илиш верчын
Пеш шучко сарышке
лүдде каен.

Ава вий дене
кечын пенгыдемын,
Шочмо элжым левла арален.

Пеш шуко вүрым
йоктараш логалын,
Виан кредалмаште

чотак сусырген:
Ойган увер чонештыш
шочмо ялыш.
Тый паремат, салтак,
мый үшанем!

Элемын чапше,
пенгыде куатше
Мемнан шүм-чоным
шокшын ырыктат.
– О Шочмо эл,
пу эргымлан виетым, –
Ава йүд-кече Юмым сөрвала.
Настя МИХАЙЛОВА.
Волжский, Кугу Корамас.

Увер Йоча да самы-
рык-влакклан «**Роза**
ветров» рүдер Сенгымаш
кечылан пöлеклалтше «**Мы**
помним ваши имена» соци-
альный акцияым **15 май**
марте эртарара. Памятник,
обелиск йыр шүкым эрыкты-
ман, ветеран, тылын труже-
никше, сарын икшывыже-
влак дене вашлийын мутла-
ныман. Уверым волонтерын
книгашкыже пуртынеда гын,
dobro.ru сайтыш пурен, йод-
машым колтыман.



Фотом школ архив гыч налме.

Обелиск йыр

Ме, 4-ше классыште тунемше-влак, урок деч вара мөнгö каяш огына вашке. Ик кечын, кидыш шорвондым, үштервоштырым налын, обелиск дек ошкылна. Тыште мемнам кугу паша вучен. Чылажымат жапыштыже ыштыман. Обелиск йыр шүкым эрыктышна (**снимкыште**). Мыланна класс вуйлатышына З.В.Небогатикова да йот йылмым ончысо туныктышо В.В.Горинова полшышт. Сарыште кредалше кочана-влак шке семьинышт тауштат манын шонена.

Николай ГРЕБНЕВ.

У Торъял, Токтарсола.

Үшанен вучена

*П о р о
жапда лий-
же, тыныс-
лыкым ара-
лыше салтакна-влак. Ты-
ланда У Торъял район Ток-
тарсола школын нылымше
классыштыже тунемше
Настя Соловьёва воза.
Тендам 9 Май пайрем дене
саламлена. Пенгыде та-
залыкым, кужу ўмырым
тыланена. Уремыште шо-
шо мардеж лыжган пуалеш,
пеледыш пеледалтеш, кече
шыратен онча. Тидлан кугу
таум ойлена. Серыш гоч
колтыммо шокшо саламна
чондам ырыктыже. Ешда
дек сенгымаш дене вашкерак
пöртылаш тыланем. Ме
тендам вучена.*



Герой изам

Изам – Андрей Загайнов. Мый тудым геройлан шот-
лем. Изам Украиныште эрта-
ралтше спецоперацийыште
эрык верч кредалеш. Икана
канаш колтеныт ыле. Ме
чыланат кажне шомакшым
түткын колыштынна. Изана,
тазалыкшым чаманыде, па-
тырлыкым ончыкта. Тидын
нерген онысо медальже ойла.
Каласкалымыжым колышт
шинчыме годым шоналты-
шым: эх, тушманым писын-
рак сенгышт ыле! Тўнжö –
рвезе, пöр'ен-влак мөнгö
таза пöртылышт. Тек кажны-
жым Юмо арала.

Юля ЯГОДАРОВА.
Советский, Кельмаксола.

*Ах, могай сай илаш!
Эрык юж дене шўлаш!*
З.ДУДИНА.

Марий генерал-майор

Артиллерийын генерал-майоржо Павел Никандрович Петропавловский нерген шымлыме пашам возенам. Тудын илиш корныжым радамленам. П.Н.Петропавловский 1899 ий 24 октябрьыште Оршанке район Марий Ернур ялеш шочын. Самырык рвезе 18 ияш армийыш каен. Тунамак сарзе корным ойыраш шонен пыштен. Генерал-майор марте кушкын. Тудо граждан, Кугу Ачамланде сарлаште кредалын. Артиллерий полк, дивизий, армий дене командоватлен. Йолташыже-влак коклаште лүддымö, тале вуйлатыше семын палыме лийын. Павел Никандровичын ятыр орден ден медальже уло. Йошкар-Олан ик уремже землякнан лүмжым нумалеш.

Звенигово, Шолэнгер.

Анна ВИНОГорова.





Кӧ эн писе, виян да чулым?

«Марий Эл» ий полатыште «Мыйын еш архивем» республикысе конкурс иктешлалтын. Тудым Марий Эл Республикысе «Эр вий» йоча да подростко-влакын ушемышт Спорт да туризм министерстве полшымо дене эртарен. Ты конкурс 1994 ий гыч вийым налын да кажне гана түрлӧ темым авалта. Тений спортлан шўман еш-влакым иквереш чумырен да «Сильному роду нет переводу!» ўжмашан лийын. Конкурсышто республикысе түрлӧ район да ола гыч 14 еш тагасен. Ныл еган еш команде-влак «Ача, ава да мый – спорт еш!» эстафетыште, «Еш тоштер» тагасыште писылыкштым, чолгалыкштым, мастарлыкштым ончыктеныт.

Конкурсын участникше-влак, еш архивыштым кучылтын, спорт дене пентгыде кылым кучымышт нерген поян ончерым ямдыленыт. Йошкар-Ола гыч Зотовмыт ешын ончерже эн поян лийын. Нуным снимкыште ужыда. Чумыр конкурсым иктешлымеке, Зотовмыт икымше верыш лектыныт.

– Кеч-могай конкурс, та-насымаш годым тургыжлан-нымаш уло. Тудым пырля сеҥена. Ме спорт да таза илыш-йўла верч улына. Вашла эртерен, икте-васылан полшен, нелылыкым сеҥен, ончыко каена. Еш эстафетыште ончыл верыш лекташ вийна изиш ыш сите гынат, писылыкнам, икоян улмынам пентгыдем-денна. Коча-кованан, ача-аванан сеҥымашышт нерген кажне гана кугешнен калас-



Фотом еш архив гыч налме.

калена. Аралалт кодшо фотолам, медаль ден кубоклам да моло арверым икмыняр ий чумыренна. Пе-

лашем дене икшывынашамыч лишыл еҥна-влак гаяк лўддымо, сеҥымашыш шуаш тыршыше лийышт ман-нын шонена. Еш тоштерышкына эше ик кубок ешаралтмылан моткоч куаненна, – ойла самырык ава Анастасия Зотова.

Тагаслаште Петуховмыт (Шернур район), Тимофеев-Арте-мьевмыт (Волжск ола), Садовинмыт (Советский район), Ельмекеевмыт (Кужэнер район) еш-влак ойыртегалтыныт.

Параньга район гыч Бирюковмыт еш эн писе, эн чулым, виян улмыжым ончыктен. Нуно «Ача, ава да мый – спорт еш!» эстафетыште икымше верым сеҥен налыныт.

Е.ИВАНОВА.

- ➔ Баскетболла модмо годым мечым кушко кышкат?
- ➔ Телым – коньки, кенезым – ...
- ➔ Футболистын йолчиемжым кузе маныт?
- ➔ Футбол командыште мыняр модшо?
- ➔ Эн неле мече.
- ➔ Янлык. Олимпиадын символжо.
- ➔ Ёстембал теннисым вес семын кузе лўмдат?
- ➔ 2014 ийыште телымсе Олимпиаде модмаш могай элыште эртаралтын?
- ➔ Вий уло гын, мо огеш кўл?
- ➔ Тиде спортсмен шинчышыла коштеш.

Викторине



Вашмут – вес номерыште.

Эн шерге – тазалык

Тазалыкым шуарыме нерген ой-кагашым йоратыме «Ямде лий» газетыште савыктыме ыле. Мемнан ялыште илыше икмыняр йоча тудым шарна да илышышке пурта. Кажне кечын, мӧнгысӧ пашам ыштымеке, 30 минут наре але утла-ракат йолын коштына. Ме палена, тазалык илышыште эн шергакан. Сандене спорт дене пентгыде кылым кучена.

Ангелина ВАСИЛЬЕВА.

Морко, Коркатово.

Спортсмен туныктышо

Йоратыме урокем – физкультур. Ме куржталына, тӧрштылына, модына, түрлӧ упражненийым ыштена. Спортлан мемнам туныктышына В.В.Степанов шўмангда. Ме урок гыч кажне гана весела кумыл дене каена. Виталий Вениаминович тунемше-влакым тагасымаште вийым тергаш ямдыла. Шкежат тале спортсмен. Медаль ден чапкагазше мыняре! Туныктышына – мыланна пример. Меат тудын гаяк тале да виян лийнена.

Альберт СМИРНОВ.
Морко, Кожлаер.

Вўд - тиде илыш

Ме, 1-ше «А» классыште тунемше-влак (снимкыште), вўдым кугу атылаш темкалымым ончаш миенна. Кевытыште тыглай вўдым огыт ужале улмаш. Тудым шўк, тўрлў бактерий деч эрыктат. Тушто пашам ыштыше еҥ-влак пластикын пўртўслан энтеким ыштымыж нерген умылтареныт. Тудым кышкылташ ок йўрў, перерабатыватлаш колтыман. Ме ик калыкмутым ўмырешлан шарнен кодынна: «Вўд - тиде илыш». Аралыза тудым.


Саша АВТОНОМОВ.

Йошкар-Ола, 3-шо номеран школ.



Фотом еш архив гыч нълме.

Мастар кид



Палаш онгай

Йошкар гвозди-ке - Сенгымашын символжо. Гвоздикке лўддымылыкым, ви-ян улмым ончыкта. Йошкар тўс Кугу Ачамланде сарыште салтак-влакын йоктарыме вўрыштым ушештара.

Йоча-влак, сўретым ончен, теат лишыл еҥлаңда тыгай пеледышым ыштен пўлеклыза.

Пеледышлан кече шерге, а айдемылан - тыныс илыш.

Калыкмут.

Тыныс илыш

Кече кўшыч шыргыжеш гын, Мландылан, тўнялан тиде сай. Леве йўржў йўралеш гын, Пўртўслан тиде пуйто лай.

Тўнямбалне тыныслык
лиеш гын,
Мыланна илаш моткочак сай.
Келге шинчымашым налына гын,
Ончыкылыклан тиде
шўртнў гай.
Ксения ИВАНОВА.
Морко, Коркатово.



Вера КУВШИНОВАН
сўретше.

Волжский, Сотнур.

«Меран йолташым кычалеш»

Тыгай лўман йомакым Морко посёлкысо модельный йоча книгагудышто онченна. Йомакым курчак-влак модыныт. Ме уло класс дене нуным туткын эскеренна. Теве Меран тос койо. Трукышто кумылжо вольш: йолташыже уке. Меран йолташым кычалаш корныш тарвана. Ужавам, Маскам, Рывыжым вашлиеш. Мыланем йомак келшен.

Оля ВАСИЛЬЕВА.

1-ше номеран Морко школ.

М.ШКЕТАН ЛЎМЕШ МАРИЙ
КУГЫЖАНЫШ ДРАМЕ ТЕАТР

15 май 18:30 **МОРКО РЦКИД**

ЮРИЙ РУСАНОВЛАН 55 ИЙ
лиеш виле...

6+ Шарнымаш кас-концерт

<p>«Ямде лий» газет Тўн редактор Л.Н.ГРИГОРЬЕВА. Индекс: П4696. Тираж 1550 экз. Заказ Формат - А-4-8.</p> <p>https://vk.com/yamde_lii https://t.me/yamdelii E-mail: yamde_lii@mari-el.ru (документ кагазлан), yamde_lii@mail.ru (автор-влаклан) Сайтын адресше: yamdelii.ru</p>	<p>УЧРЕДИТЕЛЬ: Марий Эл Республикысе Культур, печать да калык-влакын пашашт шотышто министерстве.</p> <p>Газетым редакцийыште погымо да версталыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.</p>	<p>Газетым Кыл, информационный тех- нологий да массовый коммуникаций сферым эскериме шотышто федераль- ный службын Юл кундем федеральный округысо управленийыштыже регис- трироватлыме. Номер - ПИ № ТУ52-01335, 2021 ий 29 сентябрьыште пуымо.</p>	<p>0+ Печатьыш пуымо жап - 14-00, фактически - 13-00</p> <p>Авторын да редакцийын шоныма- шышт тўрлў лийын кертыт. Серыш- влак мўнгеш огыт колталт. Ак - кутырен келшыме почеш.</p> <p>Редакцийын да издательын адресше: 424006, Йошкар-Ола, СССР Вооружённый Вийын 70-ше идалькыше урем, 20-шо пўрт. Тел. 8(8362) 45-22-82(факс).</p>
--	---	---	--



Азаль МАУЛЕКИЕВ.
Марий Турек посёлко.



Алина ден Милана
ЕФИМОВАМЫТ.
Медведево посёлко.




Анна ВАСИЛЬЕВА.
Морко, Элнеттүр.

КОНКУРС



? Катя, Боря, Витя ден Юра олимпиадыште сеғыше радамыште лийыныт. Катя икымше да пытаргыш лийын оғыл. Боря кокымшо верыш лектын. Витя кум сеғыше радамыште лийын. Юра могай верыш лектын?

Тиде модыш кўшыч кузе коеш!



Тушто

Шондык тич олма уло – иктыжымат пурлаш ок лий.



Келшыше онгым верандыза.



Калыкмутым палыза.



— падыраш.

Кол-влакым муза.

Ш	И	Й	Ш	Ө	Ш	И	Й	Г	О	Л
К	О	М	Е	Т	О	Л	Ң	Г	Е	
Н	У	Р	Р	Э	К	Ь	В	Ө	М	Ў
У	Ж	Т	Е	Ш	А	Л	О	В	А	Л
Ж	Л	О	Ң	Ў	Р	Ў	Д	В	Т	Ю
Г	О	К	Г	Р	А	П	Е	К	З	Ш
О	Р	Ь	Е	Н	К	О	Д	Й	Ө	Р
Л	О	В	Е	С	А	Т	К	А	Р	П

Никита ХАЛТУРИН.

Советский, Өрша.

Интернетысе сўрет-влакым кучылтмо.



Сўретым чиялтыза.